

## ***Mob Cab Baylisascaris procyonis*** **(Cab Mab Raccoon)**

*Disease Fact Sheet Series*

---

### **Mob Cab *Baylisascaris procyonis* zoo li cas?**

Nws yog ib hom cab loj thiab kheej muaj nyob rau hauv cov tsiaj hu ua mab (raccoons) cov hnyuv. Cov cab no yuav tsis ua mob rau cov mab raccoons tab sis zaum puav mas kuj ua mob hnyav rau neeg. Khwv yees li ib nrab ntawm tas nrho cov mab raccoons uas muaj nyob rau hauv lub xeev Wisconsin no mas muaj cov cab *Baylisascaris procyonis* no. Cov mab raccoons uas muaj cov cab no mas muaj nyob thoob plaws hauv lub xeev Wisconsin no, tab sis, kuj pom muaj coob dua rau ib cheeb tsam yav qab teb hauv lub xeev.

### **Cov cab no txawj ri li cas?**

Tus cab laus yuav tso cov qe cab los nrog quav. Ib hnuv no mas cov tsiaj no yuav tso cov qe cab tawm txog ntau plhom lub. Cov cab no yuav muaj sia nyob ntau lub hlis hauv tej hav zoov hav tsuag. Thaum lwm cov tsiaj los noj tau cov qe cab no mas cov tsiaj ntawd kuj kis tau cov cab no thiab. Tib neeg yuav kis tau cov cab no ces yog tib neeg mus nphav raug tej thaj av muaj qe cab, tej dej haus muaj qe cab, thiab txhais tes kov tau cov qe cab, los yog kov lwm yam twj uas lo mab cov quav lawm.

### **Cov tsos mob ntawm tus mob *Baylisascaris procyonis* zoo li cas rau neeg?**

Yuav mob hnyav thiab sib mas kuj yuav saib seb tus neeg ntawd noj tau cov qe cab ntau npaum li cas. Cov qe yuav daug mus ua me nyuam kas, ces cov kas yuav nkag mus rau saum lub paj hlwb, lub qhov muag, thiab nkag rau lwm cov cuab yeej hauv nruab nrog cev. Cov tsos mob kuj yuav muaj li no: xeev siab, qaug zog, daim nplooj siab o, tsis cuab ncab, nqaij chua, tsis nco qab hlias thiab dig muag. Qhov ua kom tuag mas kuj muaj feem tsawg, tab sis, kuj tau muaj lawm. Kuj tsis tau pom muaj neeg raug tus kab mob no nyob hauv lub xeev Wisconsin ib zaug li.

### **Tom qab raug tus kab mob tas hov ntev li mam pom cov tsos mob tshwm?**

Feem ntau, cov tsos mob yuav tshwm li ib mus rau peb lub lis piam tom qab kis tas, tiam sis tej thaum kuj yuav ntev li ob hlis mam li tshwm thiab. Yuav luv thiab ntev no mas kuj saib seb tus neeg no noj tau cov qe ntau npaum li cas.

### **Leej twg ntxim yuav raug tus mob *Baylisascaris procyonis* no?**

Me nyuam nyiam muab ntiv tes thiab tej yam khoom los mus npuav ua si hauv lawv qhov ncauj, mas cov me nyuam uas ua si rau tej qhov chaw muaj cov mab raccoons no los ze kuj yuav kis tau yooj yim. Cov neeg tua tsiaj, cuab tsiaj, luas tawv tsiaj, thiab cov neeg tu tsiaj hav zoov mas kuj yuav ntxim raug cov kab mob no yog lawv tu cov mab raccoons los yog tej yam khoom uas tau lo cov tsiaj no cov quav. Yog hais tiag mas, feem yuav raug tus cab no mas muaj tsawg kawg nkaus li, thiab yuav yog tau nphav raug cov tsiaj no cov quav ntev ntau zaus mas thiaj yuav raug taus.

### **Yuav kho cov tib neeg uas raug cov kab mob *Baylisascaris procyonis* no li cas?**

Tam sim no kuj tsis tau muaj tej txoj kev kho rau tus mob no kiag.

### **Kuv yuav ua li cas thiaj lis tsis raug tus kab mob cab no?**

**Tsis txhob** yug mab raccoons li ib tug tsiaj hauv tsev; yug mab yuav muaj teeb meem, tsis tas li, kuj txhaum txoj cai. Txawm cov me nyuam mab raccoons xwb los yeej muaj cov cab no lawm. Tsis txhob cia tej khoom noj seem thiab qhauv noog nyob cuab thas rau cov mab pom lawv thiab tsis los ze yus lub vaj lub tsev. Cov mab no yuav los ua zes, los tso quav rau tej pawg ntoo, rau tej qab nthab, qhov muag tsev, tej tsev tso khoom nraum zoov thiab hauv tej nthab tsev tu tsiaj. Tej taw rooj mus rau tej qhov chaw no mas yuav tsum muab puab kom ntom nti lub caij uas cov tsiaj no khiav lawm. Tej khaub ntoo, tej av, thiab quav nyab uas lo quav tsiaj lawm yuav tsum tau muab hlawv pov tseg los yog faus kom tob rau tej thaj chaw deb ntawm tog vaj tog tsev. Tseem ceeb kawg thaum tu tej no

yuav tsum looj hnab looj tes, rau khau tawv duav plab hlaub, thiab looj lub npog ncauj (xws li cov neeg pleev kob lub npog ncauj) thaum tu tej khoom no pov tseg. Tej chaw uas tau kis cov cab no lawm mas yuav tau muab hluav taws roj zeb hlawv (rau cov chaw yam li tej chaw pua xis maas los yog tej chaw uas yuav kub hnyiab tsis tau) los yog siv cov tshuaj hu ua Lysol tab sis muab rhaub kom npau mam siv.

---

DEVELOPED BY THE DIVISION OF PUBLIC HEALTH, BUREAU OF COMMUNICABLE DISEASE  
COMMUNICABLE DISEASE EPIDEMIOLOGY SECTION  
PPH 42029H (Rev. 05/04)